

四庫全書

子部

欽定四庫全書

六藝之一錄卷四十

錢唐倪濤撰

石刻文字十六

後漢謁者景君碑

洪氏隸釋作謁者景君墓表

惟元初元車五月丁卯故謁者任城景君卒嗚呼

闕

國喪淑臣朝失貞良同

闕

吏無

闕

瞻學

者靡

闕

紀德

闕

生有爵號歿

闕

其功

闕

追

闕

即辭云

闕

惟君東循仁知

闕

興門

闕

發政

然闕

爾闕

風兼體闕

明折幽通言

信行薦謙廣允躬闕不闕

不闕人闕勇匪石外和內

公疾遁曲闕詭隨闕

通闕義

命栗肅以闕理政治孝親忠君闕嘉命挽闕敬應闕

股肱耳目闕

彈闕刳枉茹剛吐

果五官功轉骨骸之臣闕嚴闕祖之貞史任之直公

浩清辟闕從事闕邦之雄喧動萬里闕郡位升察舉

孝廉百國之宗能文繡闕於心闕

光闕帝庭

闕

問股肱龍升鳳翔進退

便闕

公劉姿

闕

益昌闕

逝闕

降丰百遺失

氣京師鄂驚

闕

皇帝賻

闕

大闕

其福闕

興軌端

剖符北海

闕

所闕

寇攘闕

而有闕

冒

闕

号

闕

曰

闕

孔

闕

曰

闕

号

闕

無傷

号異色

闕

艾知命亡号不

闕

百

闕

号

闕

号更去

闕

是其

闕

号

闕

動後昆芳

闕

將号

永昌矜紀此銘

右故謁者景君墓表隸額景君任城人以安帝元初
元年卒石磨滅可讀者纔數句碑陰有諸生服義者
十五人即立碑之人也東都自路都尉始見墓闕蓋
表阡銘塋之濫觴也有文而傳于今則自景君始其
分行布字已井井有法題首七字波勢清逸有八分
之體惟皇帝賻三字特出於誌文之上齊葬穆妃議
立石誌王儉以為非禮經所出元嘉中顏延之輩為

之遂相祖述爾梁任昉作文章緣起又云墓碑自晉
始予考酈氏水經所載漢刻已不少後魏與齊梁時
相先後也豈碑碣多在北方南人未之見乎然郭林
宗傳云林宗既葬同志者立碑蔡邕為其文謂盧植
曰吾為碑銘多矣唯郭有道無愧色史稱王儉晉宋
以來故事儀典諳憶無遺每博議引證先儒無能異
者范書所載豈不知之今漢人墓刻猶存數十百碑
其云起於晉宋非也

隸釋

碑以糾枉為糾枉鄂驚為愕驚

全上

右漢景君碑尤磨滅惟謁者任城景君數字尚完其餘班班可見者皆不能成文故其年世壽考功行卒葬莫可考也蓋漢隸今尤難得其磨滅之餘可惜爾

集古錄

右隸書不著書撰人名氏文字訛缺其首曰惟元元下缺二字蓋其年號也又曰謁者任城景君卒其餘雖時有完者不可考矣景君石櫛文附其文曰惟元

初四年三月丙戌景君卒以五年二月葬又曰司空
太常博士舉高經君為其元其後遂曰以病喪身蓋
文多訛缺此其粗可見者也皆在任城

集古
錄目

右謁者景君表其額題漢故謁者景君墓表而其文
云惟元初元年五月丁卯故謁者任城景君卒其他
文字磨滅時有可讀處皆斷續不復成文矣元初安
帝時年號也此在漢時石刻中殘闕為甚特以安帝
以前碑碣存者無幾不可棄也故錄之

金石
錄

謁者景君二碑安帝元初元年濟州

金石略

景君碑陰

諸生服義者

缺

義士北海劇張敏字公輔弟子濟北茌平甯尊字伯尊
弟子山陽南平陽方京字孟平弟子濟北茌平吳良字
威賢弟子齊國臨菑宋成字子賓弟子齊國臨菑劉封
字漢輔弟子魯國卞城呂卞呂昌字永興弟子樂安高
宛牟龍字文古弟子清河靈劉翼字仲禹弟子清河靈

孟訢字輔公弟子清河靈孟福字琳道弟子魏郡庠公
田朗字季持弟子魏郡內黃景茂字元愷弟子山陽湖
陸尹倉字升進弟子山陽湖陸董奮字元夜

右景謁者碑陰義士一人曰北海張敏碑中若有剖
符北海字其文斷續難考餘人皆稱弟子則傳道受
業之人也墓之有碑所以紀功述德昭垂後世者也
一時賓客因以刻名其陰託之不朽爾今景君之碑
淪碎不復成章而碑陰諸人姓名略無刊缺物之不

可預期如此

釋

右謂者景君碑陰其前題云諸生服義又云義士北

海劇張敏字公輔弟子濟北荏平寧尊凡十五人皆

完好可讀云

金石錄

鄭令景君闕銘

惟元初四年三月丙戌鄭令景君卒以五季二月

闕

序君存時恬然無欲樂道安貧信而好古非法系

言治歐陽尚書傳祖父河南尹父步兵校尉萊門徒上

錄三千餘人明明側陋遠近照聞闕司聘請添化下邳

末極考績續母真之子無隨沒俯就禮畢故府復請司

空大常博士竝舉高經君爲其元假涂郟姦郎洒心澄

澈清靜英書哀嘆闕黃考終始無衙被病垂身題于

幽冥祖載之日游魂象生立路皆闕朱艸闕達巷方

軌涕泣賈闕諸生服義百有餘人迺刻屯石紀闕行闕

見闕懷德聞自嘆吟千秋萬世闕爲闕考積德闕

堂壇羅闕闕闕豎魂而有靈闕無闕

右郊令景君闕銘諸生服義者所立景君歷下邳邾
兩邑以安帝元初四年卒墓有雙石闕其一刻此文
在濟州任城縣南景君三世傳歐陽尚書高第編牒
至三千人公卿皆以為明經舉首亦顯門之耆儒也
碑既不載其名儒林傳唯有廣漢景鸞乃治齊詩施
氏易者范氏罔羅踈畧蓋不止一邾令也惜哉

釋隸

真即棄字寘即寘字

右景君石郭銘者余既得前景君碑又得此銘皆在

任城不知一景君乎將任城景氏之族多耶文字磨滅不可考故附於此

集古錄

右鄭令景君闕銘云維元初四年三月丙戌鄭令景君卒又云君存時恬然無欲樂道安貧信而好古非法不言治歐陽尚書傳祖父河南尹父步兵校尉業門徒生錄三千餘人又云三司聘請流化下邳又云司空太常博士竝舉高經君為其元假涂鄭城姦邪洗心又云被病喪身歸于幽冥門人服義百有餘人

按漢人為景君刻銘本欲傳于不朽而不著其族系

名字何哉

金石錄

北海相景君銘

惟漢安二年仲秋

闕

故北海相任城景府君卒歟歟

哀哉國

闕

賈英彦夫疇列宿虧精晚學後時于何穹

倉布命授期有生有死天寔為之豈夫人据彼勉不道

於是故吏諸生相與論曰上古羣后莫不流光

闕

於無

窮要燦耀於書篇身歿而行明體亡而名存或著形像

於列圖或數頌於管隙

字強

後來詠其烈竹帛叙其勲

伯誄曰伏惟

明府受質自天孝弟淵懿帥禮蹈仁相道棲藝抱淑南

真晶白清方勉已治身寔深寔剛乃武乃文遵孝孝謁

假階司農流惠元城興利惠民強衙段節微弱蒙恩威

立澤固化行如神帝嘉厥功授呂苻命南郡益州路遐

攀親躬作遜讓夙宵朝廷建英忠謹辨秩東行重追嘉

錫據北海相部城十九

部字

部歸向分明好惠先呂敬

讓殘偽易心輕黠踰竟鴟梟不鳴分子還養元二鰥寡

蒙祐呂寧蓄道脩惠

闕

祉呂榮紛紛令儀明府體之仁

義道術明府膺之黃朱邵父明府三之台輔之任明輔

宜之呂病被徵委位致仕民

闕

思慕遠近搔首農夫醺

耒商人空市隨輦飲淚奈何朝廷奪我慈父去官未旬

病乃困危珪璧之質臨卒不回歎

闕

賈絕奄忽不

闕

孝

子愷煒顛倒剝推遂

闕

勉寤永潛長歸泮里鄉黨隕涕

表哀故吏忉怛歎歎俚徊四海爾蓋驚慟傷哀大命

闕

期寔惟天

闕

明主設位明府不就臣子欲養明府弗留

歎歎哀哉

罔曰考積幽室

闕

兮

闕

翔議郎兮再命

將綏元

二

兮親英榘謨主忠信兮羽衛藩屏撫萬民兮

闕

恩

闕

兮宜叅鼎輔

闕

榦顓兮不求廩壽

臣子兮仁敦海外著甘棠兮

闕

石勒銘

闕

不亡兮

右漢故益州太守北海相景君銘篆額濟州任城有

景氏三碑皆不著其名字景君嘗屬司農宰元城刺

益部相北海以順帝漢安二年卒其前已有誄曰其
後有誄曰者亂省其し也其文曰宜參鼎鞮字書無
鞮字當是借作拂取輔拂之義趙氏云碑陰載故吏
自都昌台邱暹而下十九人皆作脩行漢隸循脩二
字頗相近恐是借用爾予蓋未見也

隸釋

碑以倉為蒼以深為柔以衙為禦以醪為釋以惇
為慟以麋為眉頂即質字犖即戀字恩即惡字衷
即奔字衷即懷字真即棄字

全上

右漢北海相景君銘其碑首題云漢故益州太守北海相景君銘其餘文字雖往往可讀而漫滅多不成文故君之名氏邑里官闕皆不可考其可見者云惟漢安二年北海相任城府君卒城下一字不可識當為景也漢功臣景丹封櫟陽侯傳子尚尚傳子苞苞傳子臨以無嗣絕安帝永初中鄧太后詔封苞弟遽為監亭侯以續丹後自是而後史不復書而他景氏亦無顯者漢安順帝年號也君卒於順帝時蓋與遽

同時人也碑銘有云不永廩壽余家集錄三代古器
銘有云眉壽者皆為廩蓋古字簡少通用至漢猶然

也

集古
錄

右隸書不著書撰人名氏景君任城人嘗為北海相
終于益州太守碑文歷歷可見而不著君之名字蓋

北海故吏諸生之所立也漢安二年立在任城

集古
錄目

右北海相景君碑在濟州任城縣景氏在漢世為任

城人今有三碑尚存余皆得之此碑最完

金石
錄

右北海相景君碑金石錄云在濟州任城縣蓋景氏
在漢為任城人也予按濟州即今之濟寧州今碑乃
在州學不知何年移置於此通志金石略以不知其
地故直云未詳姚江謝中舍大中近過濟寧搨以見
惠子家自祖宗來藏碑頗富兼以予好收錄中間得
於朋友之助者十常四五如此碑是也

金薤
琳瑯

漢故益州太守北海相景君銘今在濟寧州學見永
叔明誠集中而永叔辨論加詳隸法故自古雅尚可

識益州部當言刺史不當言太守也額曰銘辭曰誄

亦屬未安東京作者往往如是

奔州山人藁

此碑殘缺幾不成文考集古錄蓋自歐陽永叔時已
然而都玄敬乃錄其全文止缺三十字不知何據玄
敬又云家藏漢碑不完者皆以洪丞相隸釋足之此
是耶王元美曰隸法故自古雅但益州部當言刺史
不當言太守額曰銘辭曰誄亦屬未妥東京作者往
往如是而碑中眉壽作康壽歐公以為古字通用良

是

石墨
錫華

簡翁嘗言碑之有額猶人身有首裝者不可棄今觀此帙乃得其寔也然洪跋謂任城有景氏三碑而近世收者獨此何耶昔人謂漢碑在世猶鳳翎麟角不可因其殘剝而輕舍淵泉其懷慎守之也嘉靖甲寅

四月七日記

玄牘
記

漢故益州太守北海相景君銘隸書似聊以勒石非當時名手第小具一種拙朴之意且有八分遺則自

是時代使然亦不為佳也今人不習古乃謂一出古
人色色皆佳了無軒輊不知三代彝器古雅奇絕千
載無匹而野鑄鼎彝非不古色蒼然而花文款識粗
鹵不足觀者多矣矧漢代乎余藏漢碑數種後之所
收不可知據吾目覩當以韓勅修禮器碑為第一嘗
評其用筆結體玄妙入微當得之神工弗由人造或
謂此銘時代前於禮器碑古質似勝按此石建於漢
順帝漢安二年青龍在敦牂禮器碑建於桓帝二年

渚灘雖經三帝僅十五年耳何時代之足云王元美
賞鑑前無古人亦云隸法古雅古自其時正以未雅
耳孔廟碑結體古逸兼有分法反謂非其至者皆所
未解至謂益州部當言刺史不當言太守額曰銘辭
曰誄亦屬未安東京作者往往如是自是名言因附
著之額字小篆去秦未幾更相絕千里余得漢朔方
守右第三銅虎符銀錯小篆又絕類秦碑字何也想

書碑既非名手額篆亦爾耶

金石史

北海相景君碑陰

故闕中部督郵都昌尹忠字定公故門下督盜賊掾劇

闕頌字闕遠故門下議史平昌蔡規字中舉故下門下

書佐闕陵孫榮字世榮故門下書佐淳于逢闕字成故

騎吏劇闕麟字闕石故吏朱虛孫徵字武闕故吏營陵

薛逆字伯踰故吏營陵闕字中闕故吏都昌呂福字

益闕故吏都昌強闕字光闕故書佐都昌羽質字孟闕

故書佐闕虛闕字君大故書佐闕壽淳于闕

故書佐營陵徐昌字昌善故書佐都昌闕彤字闕甫故

書佐淳于孫闕字元闕故書佐營陵鍾顯字闕寶故書

佐東安平闕廣字廣宗故書佐劇紀政字世堅故書佐

淳于孫眈字威光故修行都昌董方字季方故修行都

昌台邱暹字世德故修行營陵曾闕字漢興故修行都

昌闕字久故修行營陵闕字護宗故修行營陵

闕暹字武闕故修行營陵臨照字景耀故修行都昌張

駁字臺闕故修行營陵淳于登字登成故修行營陵顏

理字中理故脩行營陵水邱郎字君闕故脩行都昌呂

興字世興故脩行都昌逢進字世安故書佐劇徐德字

漢昌故書佐劇姚進字元豪故書佐劇邴鍾字元鍾故

書佐都昌張翼字元翼故脩行都昌張闕字季遠故脩

行劇中闕字季遠故脩行平闕允字伯允故脩行淳

于趙尚字進卿故脩行都昌段段晉字世節故脩行都

昌齊晏字闕子故午營陵闕遷字世達達故午營陵昌

敏字元成故午淳于董純字元祖故午營陵闕良字世

勝故午朱虛吳詩字孟道故午都昌呂立遷字孟堅故

故

闕

都昌齊冰字文達故

闕

都昌張亮字元亮

闕

席

闕

故臣吏慎終追遠

闕

墳園

闕

禮備陵成

闕

立樹立既就聖典有制三

闕

墓側歲壤

闕

遺辭以明

闕

靈瑕顯

降吾嘉祐

右景君碑陰按後漢書職官志注河南尹官屬有循
行一百三十人而晉書職官志州縣吏皆有循行今

此碑陰載故吏都昌台邱暹而下十九人皆作脩行
他漢及晉碑數有之亦與此碑陰所書同豈循脩字
畫相類遂致訛謬耶碑陰又有故午營陵是遷六人
名姓莫知其為何官又台邱不見于姓氏書惟見于
此者兩人云

金石錄

右景君碑陰列門下書佐及故吏等名中有脩行凡
十九人趙氏謂後漢書百官志注河南尹官屬有循
行吏一百三十人而晉書百官志亦有循行以為循

與脩字畫相類遂致譌謬予謂景君碑刻於漢時而後漢書舊皆出傳錄則以脩為循者特傳錄之誤耳趙氏不信碑本而信漢書又且復引晉書為證殊不知晉書修於唐其亦曰循行者蓋仍漢書之誤而云

然也

金薤
琳瑯

敦煌長史武班碑

建和元年大歲在丁亥二月辛巳朔廿三日癸卯長史

同

下

敦煌長史武君諱珽字宣張昔殷王武丁久伐鬼方元

功章炳勲威王府官族分析曰以爲氏焉武氏蓋其後

也商周假虢歷世廣遠不隕其美漢興以來爵位相踵

闕朝忠臣君芻闕顏閔之楸質長敷苻夏之文學慈惠

寬闕孝友玄妙苞羅術藝貫洞聖闕博兼闕耽綜典

籍闕純求福不回清聲美行闡形遠近州郡貪其

高賢闕請以闕歲舉闕翼紫宮闕詔除光顯王

室有闕於國帝庸嘉之掌司古闕領校祕郎所闕幽徵

追昔劉向辯賈之徒比

闕

萬矣時戎

闕

匡正一

闕

朝廷惟憂

闕

有司

闕

舉君斑到官之日

闕

癘吏士

哮廂之怒薄伐

闕

並百姓賴之邦

域既寧久勞于外當還本朝以叙左右以求嘉元車

闕

月

闕

日遭疾不

闕

哀

闕

於是金鄉長河間高陽史恢等

追惟昔日同歲郎署感

闕

為自古在昔先聖與仁

興替

闕

人存生榮死哀是

闕

萬車伊君遺德

闕

孔之

珍故

闕

石銘碑以旌明德焉其辭曰於惟武君允德允

恭受天休命積祉所鍾其在孩提岐嶷發蹤謙闕守約

唯誼是從孝深飢風志絜羔羊樂是闕恬此闕光孳

孳臨川闕見闕庸庠仰其首微妙玄通闕然清邈闕

升闕為帝股肱扶助大和萬民直蒙顯宗闕

史官書功昊天上帝降茲鞠凶晦忽徂逝闕

不享闕考大命闕百遺惟闕后帝感傷學夫聖師士

女悽愴闕表金門令問不忘垂闕後昆萬載歎誦闕

尚書丞沛國蕭曹芝闕宣成武令中山安熹曹种闕

豐令下邳良成徐崇

闕

故陳留府丞魯國魯

闕

防東長齊國臨菑

闕

紀伯允書此碑嚴祺字伯曾

右故敦煌長史武君之碑隸額在濟州任城武君名

斑字宣張從事梁之猶子吳郡府丞開元之元子執

金吾丞榮之兄也以冲帝永嘉元年卒碑者後三年

同舍郎史恢曹芝六人所立字小石損

釋隸

班碑 右班碑者蓋其字畫殘滅不復成文其氏族

州里官闕卒葬皆不可見其僅見者曰君諱班爾其

首書曰建元年大歲在丁亥而建下一字不可識以漢書考之後漢自光武至獻帝以建名元者七謂建武建初建光建康建寧建和建安也以歷推之歲在丁亥乃章帝章和元年後六十一年桓帝即位之明年改本初二年為建和元年又歲在丁亥則此碑所缺一字當為和字乃建和元年也碑文缺減者十八九惟亡者多而存者少尤為可惜也故錄之治平元年四月二十日書

集古錄

石不著撰人名氏嚴祺字伯魯隸書君名班字宣

一下

字敦煌人碑以建和元年立今其文字磨滅姓名鄉

里粗得其髣髴而官爵事迹皆不可復知矣

集古錄目

後得別本模搨麓明始辨其一二云武君諱班乃易

去前本熙寧二年九月朔日記

六一題跋

右敦煌長史武班碑歐陽公集古錄云漢班碑者蓋其字畫殘滅不復成文其氏族官閥卒葬皆不可見其可見者君諱班爾今以余家所藏本考之文字雖

漫滅然猶歷歷可辨其額題云漢故燉煌長史武君之碑知其姓武而官為敦煌長史也碑云君諱班字宣張昔殷王武丁克伐鬼方元功章炳勲藏王府官族析分因以為氏知其名字與氏族所出也又云永嘉元年卒知其卒之年月也

金石錄

右漢燉煌長史武班碑歐陽公謂其字畫殘滅氏族州里官閭卒葬皆不可見趙氏謂以所藏本考之班官閭氏族與卒之年月皆歷歷可辨趙氏生歐公之

後不應其本若是豈歐公者搨於當時而趙氏者得之古搨邪予家本視趙氏雖若不逮然亦有可讀者

金甌
琳瑯

從事武梁碑

官壽殘失威宗建和之元年開明爲其兄立闕刻其

闕下

成行攄騁技巧委蛇有章垂示後嗣萬年不亡

其辭曰

懿德玄通幽以明子隱居靖霞休曜章子樂道忽榮垂

蘭芳子身歿名存

下闕

右從事武君碑在濟之任城武君名梁以威宗元嘉元年卒孝子仲章等立此碑與服志古者有冠無幘秦後稍稍作顏題漢文乃崇其中為屋衣冠童子幘無屋者亦未成人也此碑及武榮碑皆有闕幘傳講之文蓋謂其未冠之年已能傳道講學也武君屢辟辟召不闕權門踰七望八爵秩不躋故銘文無可鋪叙而其後云孝子孝孫躬脩子道竭家所有選擇名

石南山之陽擢取好妙色無斑黃前設壇墀後建祠堂良匠衛改雕文刻畫羅列成行攄騁技巧委蛇有章若曰松欬窻窻之事不應辭費如此此碑長不半尋廣纔尺許既無雕畫技巧亦非羅列成行其辭決不為碑設也詳味之指石室畫像爾

隸釋

右從事武梁碑云故從事武掾諱梁字綏宗體德忠孝岐嶷有異治韓詩闕憤傳講兼通河雒諸子傳記又云州郡請召辭疾不就安衡門之陋樂朝聞之義

又云年七十四元嘉元年季夏三日遭疾隕靈其後有銘云懿德玄通幽以明芳隱居靖處休曜章芳樂道忽榮垂蘭芳兮身沒名存傳無疆兮其他刻畫皆完可讀文多不盡錄碑在濟之任城余崇寧初嘗得此碑愛其完好後十餘年再得此本則闕其後四字

矣

金石錄

吳郡丞武開明碑

右吳郡丞武開明碑云君字開明而其名已殘闕又

云永和二年舉孝廉除郎謁者漢安二年遷大長秋
丞長樂大僕丞永嘉元年哭母去官復拜郎中除吳
郡府丞壽五十七建和二年十一月十六日遭疾卒
其可見者如此其他磨滅不能盡讀按後漢書志大
長秋丞一人秩六百石本任宦者又長樂少府位長
秋上及職吏皆宦者又有太僕二千石在少府上丞
六百石據志所載中宮及長樂宮官屬皆以宦者為
之而以史傳及漢魏石刻參考如大長秋少府之類

皆雜用士人今武君以孝廉為郎謁者郎中吳郡府丞皆非官者之職然則兩宮官屬蓋亦雜用士人也

金石錄

執金吾丞武榮碑

君諱榮字含和治魯詩經韋君章句闕幘傳講孝經論語漢書史記左氏國語廣學甄微靡不貫綜久游大學貌然高厲巖於雙匹匹字學優則仕為州書佐郡曹史主簿督郵五官掾功曹守從事平世六汝南蔡府君察舉

孝廉

闕

郎中遷執金吾丞

闕

遭孝桓大憂老守立武慰

哀悲慟加遇害氣遭疾墮

闕

君即吳郡府卿

之中子敦煌長史之次弟也廉孝相承亦世載德不忝

闕

命

闕

不竟台衡蓋觀德於始述行於終於是

刊石勒銘垂示無窮其辭曰

天降雄彥資才卓茂仰高鑽堅允文允武內幹三署外

闕

陟旅勒七守舊威

闕

武

闕

旗絳天雷震電舉軟耀赫

然陵惟嘒嘒當遂股肱

闕

之元輔天何不帑降此

闕

咎

瘳乎哉君仁如不壽爵不副德位不稱功咸襄傷愴遠

近哀同身沒

闕

萬世諷誦

右漢執金吾丞武君之碑隸額在濟州武君名榮吳郡君名開明敦煌君名班榮之亡在靈帝初漢興魯

申公為詩訓故齊轅固燕韓嬰皆為之傳又有毛氏之學故曰詩分為四申公授瑕邱江公韋賢治詩事江公傳子元成皆至丞相孫賞以詩授哀帝至大司馬魯詩有韋氏學此曰治魯詩經韋氏章句者此

也闕幘者未冠幘之稱語在武梁碑中蠡古鮮字蠡
於雙匹者鮮雙寡匹也

釋

右漢武榮碑云君諱榮字含和治魯詩經韋君章句
孝經論語漢書史記左氏國語為州書佐郡曹史主
簿督郵五官掾功曹年三十六南蔡府君察舉孝廉
執金吾丞孝桓大憂屯守玄武闕加遇害氣遭疾隕
靈其餘文字殘缺不見其卒葬年月又不著氏族所
出惟其碑首題云漢故執金吾丞武君之碑云

集古錄

右漢隸不著書撰人名氏榮字含和桓帝末官至執

金吾丞碑不書其鄉里及卒葬年月

集古錄目

右漢執金吾丞武榮碑歐陽公謂其文字殘缺不見

卒葬年月及氏族所出予家本殘缺與歐公同而隸

釋所載者則又往往可讀如云君即吳郡府卿之子燉

煌長史之次弟此乃其氏族之所出也但碑文簡短

不書卒葬年月歐公特未之知耳

金薤琳瑯

八分書無年月今在濟寧州儒學殘缺 婁機漢隸

字原曰碑言遭桓帝大憂哀殞而亡當是靈帝時也

王弘撰曰碑額漢故執金吾丞武君之碑十字作

陰文凸起他所無也

金石文
字記

武字石闕銘

右武氏石闕銘云建和元年大歲在丁亥三月庚戌
朔四日癸丑孝子武始公弟綏宗景興開明使石工
孟季季弟卯造此闕直錢十五萬孫宗作師子直四
萬開明子宣張仕濟陰年二十五曹府君察舉孝廉

除敦煌長史被病云歿苗秀不遂嗚呼哀哉士女痛傷武氏有數墓在任城開明者仕為吳郡府丞綏宗

名梁仕為郡從事宣張名班皆自有碑

金石錄

司隸校尉楊孟文石門頌

集古錄作司隸校尉楊厥碑

惟川靈定位川澤股躬澤有所注川有所通余台之川其澤南隆八方所達益域為充

高祖受命興於漢中道由子才出散入秦建定帝位以漢詆罵

馬

字後以子才塗路並難更隨圍台復通堂光凡

此四道垓高尤无

字尤

難至於永平其有四車詔書開余

鑿通石門中遭元二西夷雪殘橋梁斷絕子干復脩上

則縣峻屈曲湫顛下則人

字冥

冥

字冥

廩寫輸淵平阿涼泥

常蔭鮮晏木石相距利磨礪膝臨危槍礪履尾心寒肉

輿輕騎遶昇弗前憲宏幣狩蛇蛭毒蟻未秋截霜稼苗

友

字天

殘終車不登匱餒之患卑者楚憲尊者弗安愁苦

之難罵可具言於是明知故司隸校尉犍爲武陽楊君

厥字孟文深執忠伉穀上奏請有司議駁君遂執爭百

遼咸從帝用是聽廢子由斯得其度經功飭爾要敞而
晏平清涼調和蒸_二文寧至建和二車仲冬上旬漢中
太守健為武陽王升字稚紀涉歷山道推序本京嘉君
明知美其仁賢勒石頌德以明厥勲 辭曰

君德明_二煇煥彌光刺過拾遺厲清八荒奉魁承杓綏
億衛彊春宣聖日秋貶若霜無偏蕩_二真睢以方寧靜
烝庶政與乾通輔主匡君脩禮有常咸曉地理知世紀
綱言必忠義匪石厥章厥弘大節讜而益明揆往卓今

謀合朝情醴難即安有勲有榮禹鑿龍門君其繼蹤上

順斤

斗字

極下谷川皇自南自北四海攸通君子安樂庶

土

士字

悅廬商人咸懷農夫永同春秋記異今而紀功世

添億載世二嘆誦

序曰明哉仁知豫識難易原度天道安危所歸勤二竭

誠榮名休麗

五官掾南鄭趙邵字季南屬襄中毘漢彊字產伯

書佐西戍王戎字文寶主

王府君閔台道 難分置六部道摛特遣行丞事西戍
輔服字顯公都督掾南鄭魏整字伯玉後遣趙誦字公
梁按察中曹卓行造作石積萬世之基或解高格下就
平易行者欣然罵

伯玉即日從署行丞事守安陽長

右故司隸校尉掾為楊君頌隸額在興元威宗建和
二年漢中太守王升立碑云司隸校尉楊君厥字孟
文水經及歐趙皆謂之楊厥碑蜀中晚出楊淮碑云

司隸校尉楊君厥諱淮字伯邳大司隸孟文之元孫也始知兩碑皆以厥為語助此乃後政誦其勲德故稱而字之不稱其名順帝紀延光四年詔益州刺史罷子午道通褒斜路蓋從其所請也子午者長安正南山名褒斜者漢中閣名高祖開石門史策不書亦見鄭閣碑平帝時王莽以皇后有子孫瑞遂通子午永平之詔史亦闕文安帝永初元年先零叛斷隴道寇三輔入益州殺漢中守乃橋梁斷絕時也自明帝

永平四年通石門至永初幾五十年自永初襄斜斷絕至延光四年凡十五年水經云石門穿山通道六丈有餘即秦人取蜀之石牛道楊君因而廣之蜀都賦岨以石門是也門在漢中之西襄中之北襄水南歷褒口北出斜谷鄧騭傳元_二之災注云元_二即元元也古書字當再讀者即於上字之下為小二字言此字當兩度言之後人不曉遂讀為元二或同之陽九或附之百六良由不悟致斯乖舛岐州石鼓銘凡

重言者皆為二字明驗也趙氏云此碑有曰中遭元
二西戎虐殘橋梁斷絕若讀為元元則為不成文理
疑當時自有此語漢注未必然也予按漢刻如北海
相景君及李峻夫人碑之類凡重文皆以小二字贅
其下此碑有烝烝明明蕩蕩世世勤勤亦不再出上
一字然非若元二遂書為大二字也又孔耽碑云遭
元二輶軻人民相食若作元元則下文不應又言人
民漢注之非明矣王充論衡云今上嗣位元二之間

嘉德布流三年零陵生芝草五本四年甘露降五縣
五年芝復生六年黃龍見大小凡八章帝紀所書建
初三年以後龍芝甘露之瑞皆同則論衡所云元二
者蓋謂即位之元年二年也鄧君傳云永初元年夏
涼部畔羗搖蕩西州詔隲將羽林軍五校士擊之冬
徵隲班師迎拜為大將軍帝紀班師在二年十月傳有脫誤字也時遭
元二之災人士荒飢盜賊羣起四夷侵畔隲崇節儉
罷力役進賢士故天下復安四年以母病求還侍養則

此傳所云元二者亦謂元年二年也安帝紀書兩年之間萬民飢流羗貊叛戾又與傳同此碑所云西戎虐殘橋梁斷絕正是鄧騭出師時則史傳碑碣皆與論衡合建初者章帝之始年永初者安帝之始年乃知東漢之文所謂元二者如此

釋隸

碑以余谷為斜谷充為衝詆為抵並為澁陰為陰遼為寮孽狩為斃獸衙為禦縱為蹤憶為喜積為積西戌為西城高即南字塗即塗字斷即斷字厖

即磐字滯即滯字尋即礙字惠即惡字彊即彊字

厥即恢字醴即釋字繼即繼字

全上

右漢司隸校尉楊厥碑云惟以靈定位川澤攸同澤有所注川有所通余谷之川其澤南隆八方所達益城為充高祖受命興於漢中道由子午出散入秦建定帝位以漢詆焉後以子午塗路澀難更隨園谷復通堂光凡此四道堦闕允艱至於永平其有四年詔書開余鑿通石門中遭元二西夷虐殘橋梁斷絕子

谷復循於是故司隸校尉犍為武陽楊厥字孟文深
執忠伉數上奏請廢子由斯得其度經至建和二年
漢中太守王升字稚紀嘉君明知美其仁賢勒石頌
德以明厥勲其辭大略如此其刻畫尚完可讀大抵
述厥脩復斜谷路爾但其用字簡省復多舛謬惟以
川為坤以余為斜漢人皆爾獨詆字未詳永平明帝
建和桓帝年號也

集古
錄

右司隸校尉楊君頌隸書不著書撰人名氏文為韻

語然其事迹粗可考見其所頌者楊君復斜谷之路也永平中始詔開余谷中間西羌亂道絕不通復由子午谷險阻為患司隸校尉犍為武陽楊厥字孟文請廢子午道復由斜谷建和二年漢中太守王升稚紀為之刻石頌德其所謂余谷者蓋斜谷也漢人用字多從省文如此耳碑在興元

集古錄目

右司隸楊厥開石門頌余嘗讀范曄後漢書鄧騭傳有云時遭元二之灾人士饑荒章懷太子注以謂元

二即元元也古書字當再讀者即於上字下為小二
字後人不曉遂讀為元二或同之陽九或附之百六
良由不悟致斯乖舛今岐州石鼓銘凡重言者皆為
二字明驗也其說甚辨學者信之今此碑有曰中遭
元二西戎虐殘橋梁斷絕若讀為元元則為不成文
理疑當時自有此語漢書注未必然也

金石錄

墨寶云楊君石門頌在褒地縣北五里磨崖

漢隸字原

祝長嚴訢碑

右祝長嚴訢碑政和中下邳縣民耕地得之碑云惟
漢中興卯金休烈和平元年歲治東宮星屬角房月
建朱鳥中呂之均萬物慈射華澤青葱蛟行蠕動咸
守厥常人物同受獨遭灾霜顛覆徂落壽不寬弘經
設三命君獲其央年六十九又云伊歎嚴君諱訢字
少通兆自楚莊祖考相承招命道術治嚴氏春秋馮
君章句又云幼為郡掾史會稽諸暨尉烏程毗陵餘
暨章安山陵長以病去官後為丹陽陵陽丞守春穀

長舉廉遷東牟侯相下邳祝長典牧十城所在若神
其後有銘銘為五言頗殘缺難讀云

錄金石

政和中出於下邳漢人銘墓皆一律此碑先書其所
終歲月及壽考有嗟惜之辭踰百言始云伊歎嚴君
諱訢字少通遂述其行事與費鳳兩碑略相似銘詩
亦五言列種諸奇樹一句又同豈此碑亦卜君所作
乎訢所歷者諸暨尉烏程毗陵餘暨章安山陰長丹
陽陵陽丞春穀長東牟侯相祝長年六十九以威宗

和平元年卒其云歲次東宮星屬角房月建朱鳥中

呂之均者謂庚寅四月也

續隸

平都侯相蔣君碑

君諱

闕字

其先出自

闕

后稷之

闕

至於成王先

有天下錫地

闕

畿俾侯于蔣曰而

闕

秦

闕

諸夏

闕

恥捐

闕

土

闕

封曰

闕

遐

阻

闕

居來南適彼荆

闕

漢君之祖考

闕

爲交州刺史從父交趾太守

闕

能輸力王室以薦臣節

功列天府令問不已君纘厥緒載德不

闕

山之

闕

秉

闕

之芳刑膺顏夏之殊行孝友

著於閨門弟順稱于鄉黨敦書說禮

闕

好仁

闕

事

闕

學優則仕歷郡五官掾功曹正色立於朝

有孔父

闕

前後牧以禮辟命委質承

闕

行成於內名播于外再為計掾光光搞搞與

闕

乃時京師百郡覲會莫不

闕

中昭

闕

之則夙枚惟寅

闕

翼天

闕

禮朝選明德出宰豫章平

闕

季文之清約

闕

約之政布愷悌之化經國以禮

闕

以義異郡黔首繼負歸

闕

君文

不犯順武不違敵賞善罰否寬猛協中

闕

濟清瑛遵五

迸四仁慈春夏威若

闕

威囹圄空

虛路靡怨

闕

睦宇宙稱平三載考績功業顯明

當據符

闕

受福無疆

闕

天不弔降災賢良

闕

六十有五

元嘉二年三月甲午卒遭疾不豫

闕

卒于官國喪惠君

朝失楨幹百

闕

悲恨若鄭產遐邇

闕

女增歎

闕

曾忉怛

闕

罔極

闕

愛敬終以哀感禮畢祥除餘悲

憑億瞻望墳塋循墓徘徊松柏

闕

寘涕泣愴悽感慕詩

人慕慕者儀追頌遺訓刊之玄珪其辭曰

於穆林烝寔乾所生

闕

挺出

闕

性純清文為儒宗武

則干城顯顯昂昂臨朝有光宿衛紫微雩恪在勤典國

治民其化若

闕

州郡

闕

龜銀皇矣上帝賦命不

均喪漢良輔社稷之鎮洲人君子胡不萬年改世不朽

闕
泝後昆

右漢故平都侯相蔣君之碑篆額今在道州碑石漫滅不得其名字平都侯國屬豫章郡碑有出宰豫章平五字其下闕文即平都也蔣君以威宗元嘉二年卒其文有云禮畢祥除瞻望墳塋則此碑乃後來所立學記蛾子時銜左傳蛾析皆讀蛾為蟻史記索隱讀淳化鳥獸蟲蛾亦作蟻漢碑書慕我皆作慕儀亦有作慕義者詩人以儀與河阿叶韻則是讀儀為俄

也此以慕慕者儀叶涕泣愴悽刊之立珪則又讀如
本字大學云迸諸四夷釋迸為屏後漢傳有遵五屏
四之文此碑亦然蓋漢人傳魯論有如此者

隸釋

碑以芳刑為芳形搞搞為矯矯憑億為憑臆清瑛

為清英

全上

右平都侯相蔣君碑文字殘闕其名字官闕皆不可
考惟其額題漢故平都侯相蔣君之碑而碑云年六
十有五元嘉二年三月甲午卒爾有劉景文季孫者

知名士與余先公有舊家藏金石刻千餘卷既歿其子不能保為一武人得之其後余故人王偁定觀復得數百卷其中漢碑數本余所未有者悉以見贈此

其一也

金石錄

丹陽太守郭旻碑


右丹陽太守郭旻碑云君諱旻字巨公有周之裔也又云治律小杜幼仕州郡察孝廉除郎中謂者遷敬陵園令廷尉左平治書侍御史獄刑無頗憲臺如砥

以父憂去官選拜郎中侍御史遭母憂服除復拜郎
中治書侍御史遷冀州刺史徵拜尚書是時淮夷蠹
逆帝疇官綏策書褒厲俾守丹陽為政四年以公事
去官年過耳順寢疾瘖頽延熹元年十月戊戌卒其
十二月丙申葬徵言絕矣諸子曷仰三載禮闕廼羣
相與刻石勒銘最後云昔君即世雖立碑誦裁足載
字加有瑕闕君之弟故太尉薨歸葬舊陵於是從子
故五原太守鴻議郎某及涓孫某其名懷祖之德乃

更刻石不改舊文蓋用昭明祖勲焉郭氏為陽翟著
姓自公以來世以通法律顯名此碑所謂太尉公者

禧也

金石錄



六藝之一錄卷四十

欽定四庫全書

子部

六藝之一錄卷四十一

詳校官中書_臣陸 湘

貢外郎_臣牛稔文覆勘

總校官檢討_臣何思鈞

校對官中書_臣陸 湘

謄錄監生_臣徐 瑤

欽定四庫全書

六藝之一錄卷四十一

錢唐倪濤撰

石刻文字十七

國三老袁良碑

君諱良字厚卿陳國扶樂人也厥先舜留古爲封君周之興虞闕父典陶正嗣滿爲陳侯至玄孫漣淦初氏父字立姓曰袁曾僖公四季爲大夫哀十一年頗佗司徒其未或適齊樹而袁生獨笛陳當秦之亂隱居河洛高

祖破項寔從其冊天下既定還宅扶樂孝武征和三季
生曾孫幹斬賊公先勇拜黃門郎封關內侯食遺繩六
百戶後錫金紫僊脩城之艷幹薨子經嗣經薨子凶嗣
傳國三丘至王癸而豔君即凶之曾孫續神明之洪陰
資天惠之清鼎懍綜易詩而悅禮樂舉孝廉郎中謁者
將佐大匠丞相令廣陵太守討江賊張路等威震涂方
謝病歸家孝順初政咨口口白三府舉君徵拜議郎符
節令時元子光博平令中子騰尚書郎少子璋謁者詔

書辟口口可父事羣司以君父子俱列三臺夫人結髮
上為三老使者口節安車親口几杖之尊祖割之養君
寔饗之後拜梁相帝御九龍殿引君對覲興酒飯賜飲
宴

冊曰頃者連遇運害災祲備至陰陽不和寒暑不節管
孔子制義承奉剿有興盛之福憚期郎致來咎之變朕
以妙身艱表繼業二九之戒今直其際圖記占口愜在
藩國自先帝至德猶有十

七

國之謀蓋治古者不諱其

難朕追謚社稷之重恐有交會諸國王侯開導以驕滿
之漸令姦邪因緣生慝相以顯選簡練內升管掌符竟
惠櫟哉民故連拔授不問勳次典郡職重親執經緯隱
括在手注者王尊發縱於平陽清約藩輔其節所然忠
臣之義有獻諱云字去各其加精澈濶切防繆朕疚心以
戒今特賜錢十萬雜繒世匹字玉具劍佩書刀繡文印
衣襪極手帕各一注悉乃心勉密協同便宜數上君子
曰優取之寵於斯盛矣宰縣治郡縣民不思戴八十五

以病致仕永建六年二月戊辰卒居世室廬殯于假館
皆行父平仲小國之卿其儉猷稱況漢大夫父子同升
而竊環堵不遭公明實錄之時使前詰孤名而君獨立
於是厥孫衛尉掾司徒掾弘口直刊石位銘其辭曰

飛清邈紛其屬跨高岳

字山

鋪雲際位帝父振淫濊登華

龍眺天坐酌不揮凱以邁民被澤羗畿又本惠曜其
碣口煌煌數萬古

右漢故國三老袁君碑篆額在開封之扶溝袁君名

良歷郎中謁者將作大匠丞相令廣陵太守議郎符
節令國三老梁相以順帝永建元年卒其孫衛尉滂
立此石滂以光和年為相其作九卿當在靈帝之初
水經云扶溝有袁梁碑者誤也趙氏云唐宰相表及
元和姓纂云袁幹封貴鄉侯八世孫良生昌璋昌生
安璋生滂按袁安以永平四年薨良之卒猶在其後
三十九年又安乃汝南人滂則陳郡人相去歲月甚
遠鄉族皆不同乃以為從父兄弟踈謬甚矣諸書皆云

幹以討公孫勇功封貴鄉侯而碑作公先勇又云封
關內侯食遺鄉六百戶皆莫可考趙氏辯安滂非同
祖其論詳矣然遺鄉侯事蓋在田廣明傳中傳云故城
父令公孫勇謀反衣繡衣乘駟馬車至圍圍使小史
侍之知其非是守尉魏不害共收捕捕之上封四人
為侯小史竊言上問之對曰為侯者得東歸否上曰
汝鄉名為何對曰名遺鄉上曰用遺汝矣於是賜小
史爵關內侯食遺鄉六百戶小史即幹也碑云僊脩

城之鄣者以僂為遷蓋遺鄉其後徙封也碑云袁生
當秦之時隱居河洛高祖破項寔從其策太史公書
高祖之出滎陽收兵欲東袁生說帝深壁武關令滎
陽成皋間且得休使韓信等輯河北趙地連燕齊帝
從其計碑所書二事皆與史合惟班史以袁生為轅
生左傳載濟塗頗皆作轅古字通用也梁相之冊其
文甚溫厚漢志載陰陽交會有陽九陰九之厄此云
二九之戒似謂此也張平子賦云合二九而成謫謂

王莽十八年而成變計此冊蓋慮藩方或有七國之難且云恐有交會非用新室事也元帝窮極幼眇讀

曰要妙此云妙身繼業者讀妙為眇也

釋

碑以辟為辟以猷為猶樹即楚字盪即絕字刪即則字惇即惇字勦即勦字注即往字測即測字取

即賢字迷即沙字

上全

扶溝縣有袁梁碑云梁陳扶樂人

水經注

右漢袁良碑云君諱良字卿卿上一字磨滅陳國扶

樂人也厥先舜苗世為封君周興虞閔父自此而滅
又云滿為陳侯至玄孫濤塗以字立姓曰袁自此又
滅又云當秦之亂隱居河洛高祖破項實從其策天
下既定還宅扶樂蓋不知為何人也又云孝武征和
三年曾孫斬賊先勇拜黃門郎曾孫滅其名賊下又
滅一字又曰封關內侯食遺鄉六百戶薨子經嗣經
薨子山嗣傳國三世至王莽而絕君即山之曾孫也
舉孝廉郎中謁者將作大匠丞相令廣陵太守討江

賊張路等威震徐方謝病歸家孝順初初下數字減
又云府舉君拜議郎符節令其後又云永建六年二
月卒其碑首題云漢故國三老袁君碑而碑文有使
者持節安車又有几杖之尊袒割之養君寔饗之之
語以此知良嘗為三老矣其餘磨滅雖時時可讀而
不能次第也又曰帝御九龍殿引對飲宴九龍殿名

惟見於此

集古錄

右隸書不著書撰人名氏良字卿卿上一字缺陳國

扶樂人歷議郎符節令嘗為三老其額曰國三老袁

君碑碑以永建中立在今開封扶溝

集古
目錄

右國三老袁君碑按元和姓纂云袁幹封貴鄉侯始

居陳郡為著姓八代孫良生璋昌昌生安璋生滂為

司徒唐書宰相世系表云袁生玄孫幹封貴鄉侯八

世孫良二子昌璋昌成武令生安璋生滂以此碑及

後漢書攷之姓纂與唐表殊為踈謬袁安列傳云安

祖父良平帝時舉明經為太子舍人建武中至成武

令今據此碑良以永建六年卒相距蓋百餘年以此知非一人無疑又安以永平四年薨良之卒乃在其後三十九年以此知非安之祖亦無疑也蓋安汝南汝陽人滂乃陳郡扶樂人其鄉里族系亦自不同而安與滂相去歲月甚遠不得為從父兄弟明矣豈二人之祖其名偶同遂爾差謬邪又此碑與李利涉編古命氏皆云良幹五世孫而姓纂唐史皆以為八代孫碑云幹素生之曾孫而唐史以為玄孫諸書皆云

幹以討公孫勇功封貴鄉侯而碑獨作公先勇又云
封關內侯食遺鄉六百戶者皆莫可考安列傳稱祖
良為成武令而唐史謂昌為此官者疑唐史之誤也
又酈道元水經注扶溝城北有袁梁碑云梁陳國扶
樂人事與碑合唯水經誤以良為梁爾袁氏自漢以
來世為著姓安與滂皆一時顯人而諸書於其族系
錯謬如此以此知典籍所載其失可勝道哉

金石錄

漢三老袁良碑在太康縣圍城鎮西南三十里扶樂

城石牛廟又云在縣西北三十里陽夏鄉墓下永建

六年卒葬于此良一作貢

天下一碑錄

三老表貢碑永建六年東京

金石略

中常侍費亭侯曹騰碑

過水四周譙城側城南有曹嵩冢冢北有碑碑北有
廟堂餘基尚存柱礎仍在廟北有二石闕雙峙高一
丈六尺棖櫨及柱皆雕鏤雲炬上累恩已碎闕北有
圭碑題云漢故中常侍特進費亭侯曹君之碑延熹

三年立碑陰又刊石策二碑文同夾碑東西列對兩
石馬高八尺五寸石作粗拙不比光武隧道所表象
馬也有騰兄冢冢東有碑題云漢故潁川太守曹君
墓延熹九年卒而不刊樹碑歲月墳北有其元子熾
冢冢東有碑題云漢故長水校尉曹君之碑歷大中
大夫司馬長史侍中遷長水年三十九卒熹平六年
造熾弟胤冢冢東有碑題云漢謁者曹君之碑熹平

六年立

水經注

右漢中常侍費亭侯曹騰碑文字磨滅其粗可見者
云維建和元年七月二十二日己巳皇帝若曰其遣
費亭侯之國其餘不可識也建和桓帝即位之元年
也後三十七年獻帝中平元年騰養子操始為騎都

尉擊黃巾矣

集古錄

右漢隸不著書撰人名氏騰桓帝時官至中常侍長
樂太僕封費亭侯追加兼諫議印綬碑無所立年月

在亳州

集古錄目

右費亭侯曹騰碑云惟建和元年七月二十二日己巳皇太后曰其遣費亭侯之國為漢輔蕃而歐陽公集古錄乃言皇帝若曰其遣費亭侯之國誤也按後漢書建和元年桓帝即位梁太后臨朝稱制也漢自安順以來閹豎尊寵用事往往封侯貴顯其後騰之孫操及其曾孫丕再世數十年憑藉勢力卒移漢祚而有之以此觀之閹豎用事之禍可勝言哉

金石錄

中常侍曹騰碑建和元年立在亳州

金石略

費亭侯曹騰碑陰

維建和元年七月廿二日己巳

皇太后曰其遣費亭侯之國為漢藩輔臨君境內毋有

出

闕

變卒

闕

百姓不可不

愛不愛則不附大臣不親百姓不附可不慎

下闕

制曰

闕

中常侍費亭侯曹騰

騰見克

闕

先帝能自舊拔於險阻

之中不陷乎羣小害已之譖遂亦

闕

前後英

謀

闕

進賢納

闕

踐胙之初受爵弓東土厥功章然騰

守足退居約身自持遭母憂孝行純篤

闕

慎禮紀喪能

過哀服祥有不忍遠離之恩情

闕

感病毀性早薨朕甚

閔焉詩曰靡不有初鮮克有終騰能終之春秋之義旌

闕

采不呂勸為善及其在殯使兼諫議大

闕

特進贈費亭侯印綬魂而有靈嘉其寵榮嗚呼哀哉
右費亭侯曹騰碑水經云譙縣有曹騰碑題曰漢故
中常侍長樂太僕特進費亭侯曹君之碑延熹三年

立碑陰又刊詔詔策二歐趙不指此為曹騰碑陰失稽考也本傳云騰自安帝時為黃門從官後以定策立威宗與州輔等七人皆封侯至大長秋此碑前一篇建和元年七月己巳就國策書乃梁太后臨朝時也後一篇乃褒贈制書傳云奉事四帝而水經有据則其亡在威宗時嗚呼東漢之亡也以閹官雖小人道長作福作威履霜堅冰勢之必然者蓋上失其道爾高帝約非有功不侯自和帝封鄭眾而苴茅裂土

者相踵至有同日十九侯者順帝又聽其養子襲爵
騰用事省闈三十餘年其養子嵩至於竊位台輔至

孫操遂問鼎矣

隸釋

昨與昨同篆額今獨存云中常侍長樂大僕特進

費亭曹侯碑

水經誤多四字

吉成侯州輔碑

闕

輔字

闕

世

闕

于炎

闕

君

闕

卿衛特以文明敏達拜小黃門還事

和熹后孝安帝安思皇后時為大宮令孝順皇帝踐祚

之

闕

復弘拜小黃門遷臧府令當中常侍讓與同郡錡

任後以病孫位起家復拜謁者令中尚方

闕

遷中常侍

遭順帝棄天下扶佐孝沖孝質帝兼領黃門令順烈皇

后攝政以君舊

闕

拜長樂大

闕

遭孝質無嗣乃定冊惟

幕懷立聖主有安社稷之勲建和二年七月己巳詔冊

曰蓋聞春秋之

闕

采豪毛之善大漢典制有恩澤之封

輔歷世守省恪恭位著建立之際處乎左右常伯之職

同闕協意以亮天功往者鄭衆蔡倫行事科比其封輔

爲葉吉成侯和平中君復轉拜大長秋兼以闕侍之位括

統前後明先帝法令曉舊章之事周密澌慎奉已守度

左寵弗盈能自挹損爵闕日隆持之益懼每所典領威

禁不犯遠惡辟害不離艱難所謂磨而不粦涅而不緇

者闕朝廷禮之以君耆老有杖之賜年六十有二永

壽二事十二月丙子薨中外咨悼賻贈闕等皆管蘇之

尹楚以直見蹤死記其闕張卿之左漢闕季布之闕以

安高后論德比隆君寔疏闕於是鄉人姻族乃相與刊

石樹碑昭宣令問其辭曰

盛德之休實生君侯天授厥美忠貞以闕退翼軒闕達

闕華樞六帝四后足咨是諏錫以寵衣紫艾兼紆幹國

棟家以光以舒後闕禮闕人誰闕泥我責不

濡闕君守固終始不渝旌之萬祀顯耀永譽

右漢故中常侍長樂大僕吉成侯州君之銘篆額州

君名輔為小黃門大宮令復拜小黃門歷臧府令謁

者令中尚方令中常侍黃門令長樂大僕大長秋封
葉吉成侯以威宗永壽二年卒曹騰傳云與輔等以
定策功封亭侯騰所封者費亭輔之封葉吉成者葉
縣之吉成亭也此碑敘其歷事六帝四后詳瞻有史
法與漢代它碑體格絕不同也東郡閭尹挾震主之
威舉動回山海呼吸變霜露及家凶身裂而龜鼎亦
遷矣其碑刻存於今者有四曹騰碑陰乃兩制策爾
此碑謂其恪恭周密在寵弗盈當拜中常侍而遜其

鄉人樊安碑則謂其甘貧樂約不覲榮貴為邑宰所
慢然後慷慨從宦譙敏碑則謂其倍權守靜韜光遠
咎恥與鄰人並驅三人者俱無列傳豈咸有殊操異
於輩流乎譽之必過其實蓋諛墓之辭爾

逕即逮字涅即涅字緇即緇字詵即越字

隸釋

渙水南有漢中常侍長樂太僕吉侯苞冢冢前有碑
基西枕岡城開四門門有兩石獸墳傾墓毀碑獸淪
移人有掘出一獸猶全不破甚高壯頭去地減一丈

許作制甚工左膊上刻作辟邪字門表壘上起石橋
歷時不毀其碑云六帝四后是諮是諏蓋任自安帝
沒于桓后于時閭閻擅權五侯暴世割剥公私以事
生死夫封者表有德碑者頌有功自非此徒何用許
為石至千春不如速朽苞墓萬古祇彰誚辱嗚呼愚
亦甚矣

水經注

右吉成侯州輔碑名字已殘闕其額題云故漢中常
侍長樂大僕吉成侯州君之銘輔名姓見范曄後漢

書宦者傳以定策立桓帝與曹騰等七人同時封為
亭侯今此碑載當時詔書有云其封輔為葉吉成侯
以此知其名輔而酈道元注水經云洹水南有漢中
常侍長樂大僕吉成侯州苞冢冢前有碑其詞云六
帝四后是詔是誨今驗其銘文實有此語獨以輔為
苞蓋水經之誤當取漢史及此碑為正

金石錄

吉成侯州輔碑有碑陰永壽二年未詳

金石略

州輔碑陰

漢陽太守

一

故京兆尹延薦林堅故東平相溫貢顯

宗故益州太守駱肅文惠故交趾太守冠軍橋術伯道

故上黨太守州郡當世司徒長史宛任

闕

伯陽故光祿

丞宛趙堅耐貞故臨湘令扶

闕

仲

闕

故鹵令馬浮元顯

廣平令王璋伯玉故廩犧令章陵錢訢禮公車騎將軍

司馬宛

闕

守矩小侯新野鄧辰伯臺故細陽侯相州

寶季珍故河陽長州宗伯興尚書侍郎比陽張超伯載

故海昏侯相謝杲

闕

朝郎中州博起世光祿丞州永孟

元公車令州忠尉王故建城長何柜世舉故建昌長唐
超景遠故鄱陽長王福仲昭故南武陽侯相張和仲異
故便長督匡仲英故襄陽長辟敏封公故郎長州湯伯
德郎中王恭季公郎中陳充廣世郎中州起巨堅故隋
守長州歆宣睢故荊州從事州縣宣睢故荊州從事州
熹伯平故河隄從事張睢伯宗故軟長胡肅伯於霞士
趙訢公甫霞士李闕文德故督郵蘇闕義山故督郵杜
合巨孫故督郵魯陽表苞景伯故闕守令州稱子明故

府掾杜瑗次高故府掾何進定安故府掾王萇伯

闕故

府掾汪直元孝霞士州龍宣興霞士王

闕公

霞士傳

稠公

下闕

石州輔碑陰京兆尹延篤叔堅而下題名者凡四十

餘人自東漢以後一時名卿賢大夫死而立碑則門

生故吏往往寓名其陰蓋欲附記以傳不朽爾今輔

一宦者而碑陰列名者數十人雖當代顯人如延叔

堅亦預焉有以見權勢之盛如此雖然區區掛名於

此者亦可恥也夫

金石錄

右州輔碑陰自漢陽太守而下四十有九人其八人
稱邑曰冠軍曰宛曰章陵曰新野曰比陽曰魯陽皆
南陽之邑也餘人唯延篤有傳乃南陽犂人則不稱
邑者犂之人也碑云鄉人姻族相與刊石則又知輔為
犂縣人也輔當拜中常侍而遜其同郡錡任則輔蓋
厚於鄉黨者故其殂而鄉人肯為之立碑趙氏云東
漢名卿賢大夫死則門生故吏立碑而題其陰延叔

堅當代顯人挂名于此亦可恥觀叔堅與李文德書
豈登州氏之門者其後坐鉤黨廢錮鄉里至於圖其
形于屈原之廟非始終無疵安能有此靈帝時中常
侍張讓歸葬潁川一郡畢至而名士無往者張甚恥
之太邱長陳仲弓獨弔焉及後復誅黨人張感仲弓
故多所全宥史官稱之曰漢自中世閹人擅恣俗遂
以遁身矯潔放言為高士有不談此者則芸夫牧兒
已叫呼之矣故時政彌惛而其風愈往唯陳先生進

退之節必可度也蓋達而得位則正色立朝不可朋
姦而趨勢及身退窮處則同塵所以遠害固大雅君
子之所尚方叔堅居里而同郡為輔勒石借其名以
為重叔堅亦不得而拒也非若他碑門生故吏之比
趙氏其何疑焉州姓見于簡策甚鮮此碑所題乃十有
三人在內則令公車丞光祿居郎位在外則守上黨
相細陽小者亦為州從事縣令長一璫在朝不但三
人緩帶而已

隸釋

州輔墓石獸膊字

右州輔墓石獸膊字。鄺道元注水經云：州君墓有兩石獸，已淪沒。人有掘出一獸，猶不全破，甚高壯，頭去地丈許，制作甚工。左膊上刻作辟邪字。余初得州君墓碑，又覽水經所載，意此字猶存。會故人董之明守官汝潁間，因託訪求之。踰年持以見，寄其一辟邪道元所見也。其一乃天祿字，差大，皆完好，可喜之明。又云天祿近歲為村民所毀，辟邪雖存，然字畫已殘闕。

難辨此蓋十年前邑人所藏今不可復得矣

金石錄

中常侍樊安碑

漢故中常侍騎都尉樊君之碑

君諱安字子仲南陽湖陽人也厥祖曰仲山父翼佐周
宣出納丕命爲之嘆曰自致中興食采于樊子孫氏焉
亦世載德守業不虧在漢中葉薦生据媛化合南頓實
產世祖征討遂畔復漢郊廟而樊氏自帝元舅顯受第
土封寵五國壽張侯自公德加位特進其次竝自高殷

處卿校侍中尚書據州典郡不可勝載爲天下著姓君
秀自好學治韓詩論語孝經兼通記傳古今異義甘貧
樂約意不回感天姿淵慎稟性有直秉操不移不自覲
貴世政促峻邑宰寅識燁賢汲德被自勞事然後慷慨
礪嬾宦丐忝室庶中黃門尤從假史拜小黃門小黃門
右史遷減府令中常侍其事上也貞固密愼矜矜戰戰
化主股肱助國視聽外職不誣內言不泄爲近臣楷槊
是自兄弟竝盛雙據二郡宗親賴榮年五十有六自永

壽四季二月甲辰卒朝思其忠追拜騎都尉寵官印綬
英書褒歎賻贈有加嗣子遷寔呂劣弱夙敘忝爵而喪
所天禮備復位呂延熹三年冬十有一月自上蒸祭乃
尋雉烈考恭脩之懿勒之碑石俾不共隨其辭曰

肅肅我君帝躬是翼忝事多難我君是力秉此小心呂
亮皇職惟帝念功庸呂興服大命傾實魂神僊伏龜艾
追遷用光其德藹藹遺稱佗呈佗式勒銘慈石垂示罔
極勲名丕別永昭千億制詔中常侍樊安宿衛歷年恭

恪湫慎嬰被疾病不牽蚤終今使湖陽邑長劉操追號
安為騎都尉贈印綬魂而有靈嘉其寵榮嗚呼哀哉

延熹元年八月廿四日丁酉下

右漢故中常侍騎都尉樊君之碑無額書其首行如
此樊君名安字子仲歷中黃門冗從假史小黃門小
黃門右史藏府令中常侍漢志有中黃門冗從僕射
而無假史有小黃門而無右史蓋闕文也安以威宗
永壽四年卒其子以延熹三年仲冬烝祭畢始刻此

碑其末又載延熹元年八月丁酉贈騎都尉詔趙氏
遂以碑為元年所立而歐公云字子佑皆誤也壽張
侯者名宏碑在唐州湖陽三五十年來推拓已漫滅
其半矣治平中縣令樂京亦嘗為之再刻

釋隸

碑以公德為功德著性為著姓失隧為失墜作呈
為作程臧即貳字礪即激字贗即憤字尤即冗字

蚤即蚤字

全上

右漢樊豐常侍碑云君諱安字子佑南陽湖陽人也君

幼學治韓詩論語孝經歷中黃門拜小黃門小黃門
右史遷藏府令中常侍年五十有六永壽四年二月
甲辰卒其先為中黃門後為小黃門又為小黃門右
史蓋漢官之制今不詳其次序也余少家漢東天聖
四年舉進士赴尚書禮部道出湖陽見此碑立道左
下馬讀之徘徊碑下者久之後三十年始得而入集
錄蓋初不見錄於世自予集錄古文時人稍稍知為
可貴自此古碑漸見收采也

錄集古

右漢隸不著書撰人名字常侍名安字子佑南陽湖陽人官至中常侍追贈騎都尉此碑并追贈制書同

刻以延熹三年立在唐州湖陽縣

集古錄目

延熹元年八月

金石錄目

漢常侍樊安碑安永壽四年二月卒其後勒碑序所歷官今碑在唐州湖陽安故湖陽人也桓帝永壽三年是為延熹之元實自四年六月以改則在二月故猶為永壽但立碑在後自宜以延熹為據也漢自延

平故制壞矣中常侍黃門增舊三倍於永平又改瑞
為黃金而貂右矣其勢傾天下觀東觀漢記書宦者
盡敘其所承本系如孫程曹騰為唐叔振鐸後則史
氏畏避不能直筆其於序事可得據耶今碑叙自中黃
門遷小黃門又自此遷常侍或疑其制蓋漢世中常
侍千石小黃門六百石中黃門三百石中藏令六百
石掌中幣帛金銀貨物其序自應如此蔡倫自小黃
門遷常侍而中黃門非大功不得躡小黃門以進此

可得考也漢又有中宮謁者書內從僕射謁者主報
中章宦者漢制主中文書則左右史也此皆不屬少
府而自為一職其制已極宜其能亂天下而卒以亡

漢也

廣川
書跋

後漢樊常侍碑歐陽文忠公已有跋今其文幸可讀
以永壽四年二月卒是年六月改元延熹八月丁酉
制詰湖陽長劉操追授騎都尉印綬至二年十一月
其子勒文碑石俾不失墜而趙明誠金石錄乃以為

元年八月蓋因贈官而不考立碑在後也

益公題跋

郎中鄭固碑

君諱固字伯堅著君元子也含中和之淑質履上仁

開

孝友著乎閨門至行立乎鄉黨初受業於歐陽遂
窮究乎典籍膺游夏之文學裒冉季之政事弱冠士郡
吏諸曹掾史主簿督郵五官掾功曹入則腹心出則爪
牙忠臣衛上清臣自脩犯顏謇諤造膝俛辭加臣好成
方類推賢達善遠遁退讓當世臣此服之邦后玠璋臣

為儲舉先屈計掾奉我

闕

貢清眇冠乎羣彦惠能簡乎

聖心延熹元年二月十九日詔拜郎中非其好也吕疾

錮辭未滿期限從其本規乃遘凶愍年卅二其四月廿

四日遭命隕身痛如之何先是君大男孟子有楊烏之

才善性形於岐嶷

闕

見於齒髭年七歲而友大君夫人

所共哀也故建

闕

共墳配食斯壇吕慰考妣之心琦

瑤延吕為至惠不紀則鍾鼎奚銘昔妣

闕

武弟述其

兄綜

闕

行於蔑陋猷冒敢忘乃刊石吕旌遺芳

其辭曰

於惟郎中寔天生惠順親誨弟更恭竭力敦我義方導
我礼則傳宣孔業佐古模式政事上忠臣自勸貢計王
庭華夏歸服帝用嘉之顯拜殊特將從睢意邑斯自得
乃遭竄災隕命顛沛家失所怙國闕忠直俯哭誰訴印
嗚焉告嗟嗟孟子苗而弗毓奉我元兄脩孝罔極魂而
有靈亦歆斯勒

右漢故郎中鄭君之碑篆額鄭君名固威宗元熹元

年卒固以曹掾事其郡將而云犯顏審諤造膝說辭
漢人用事不拘礙如此秦紀引賈生云九國之師逡
巡遁逃而不敢進陳涉世家則刪逡巡二字班史又
作遁巡故顏師古讀遁為逡而詆潘岳用遁逃為非
游俠傳逡逡有退讓君子之風此云逡遁退讓蓋用
史記語歐讀為巡趙又惑於顏注予謂皆當讀如本
字

碑以悞為諤以倮為說以錮為固以模為模質即

質字猷即獨字昇即昌字勗音慙

全上

右漢郎中鄭固碑文字磨滅其官闕卒葬年月皆莫可考其僅可見者云君諱固字伯堅孝友著於閨門至行立乎鄉黨初授業於歐陽仕郡諸曹掾史主簿督郵五官掾功曹又曰忠以衛上清以自修其餘殘缺不復成文又云元熹元年二月詔拜而不見其官惟其碑首題云漢故郎中鄭君之碑以此知其官至郎中爾漢隸刻石存於今者少惟余以集錄之勤所

得為獨多然類多殘缺不完蓋其難得而可喜者其
零落之餘尤為可惜也 又云延熹元年二月之下

一本云詔拜郎中非其好也以疾錮辭年四十二遭
命殞身而中間又有逡遁退讓之語適當作循錮當
作固疑漢人用字多假借又疑以疾錮辭謂疾已堅
固若云以疾篤辭覽者詳之

集古
錄

右漢隸無書撰人名氏固字伯堅延熹中仕至郎中

集古
錄目

右郎中鄭君碑賈誼過秦論云九國之師遁巡而不
敢進顏師古曰遁音干尋反流俗書本巡字誤作逃
讀者因之而為遁逃之義潘岳西征賦云遁逃以奔
竄斯亦誤矣今此碑有云推賢達善逡巡退讓詳其
文義亦是逡巡之義然二字決非一音蓋古人用字
與後世頗異又多假借故時有難曉處不知顏氏何
所據遂音遁為逡乎

金石錄

右漢郎中鄭固碑歐陽公謂碑文磨滅官闕卒葬年

月皆莫可考予家本磨滅尤甚蓋以去歐公之遠也而隸釋所載文字獨完其云君著君之子延熹元年四月廿四日遭命隕身年四十二則門閥與卒固可考也歐公所錄在隸釋之前而乃云若此不可曉也

金薤
琳琅

郎中鄭固碑八分書延熹元年今在濟寧州儒學其文有云逡巡退讓者逡巡之異文也管子桓公楚然逡遁漢書平當傳贊逡遁有耻周禮司士注儀禮士

昏禮大射禮公食大夫禮鄉射禮注禮記玉藻注皆

同

金石文
字記

議郎元賓碑

上闕

字元賓魯相之孫成德

下闕

東安平令北海

相

下闕

守之弟子中年令兄子也君生也即有殊摻循

孝行

下闕

鄉黨乾乾積善念於濟人故朋疇宗親

受爵位者皆

下闕

也加有聰明叡据之才博五經

之滋味覽羣書之要

下闕

圖藉摘翰著作時人莫

能豫其思辯論

下闕

文章爛

下闕

孝廉亢引名於

三署揚清厲於海內除倉龍司馬詔

下闕

試經

第一衛尉察尤異遷吳令憲春陽以加惠則陰

下闕

擊有高宰鄭見思之歌視事二稔民用寧康以不媚

下闕

雲之高翻著色斯辟州從事雖進

闕

退不枉

尺直擢

下闕

罕聖朝旌勲公車徵拜議郎當豐 姻

媾光國興家

下闕

疏穢我良人車卅八延熹二年

二月

卒夫子閔

下闕

咨嗟使者臨弟賻賵特

加於是族富門人莫不傷痒

下闕

立銘以詠君德

其辭曰

上闕

邇無倫揚休轍為三臣播忠冊列帝庭名顯章

光四

下闕

建靈石岬鴻勲昭來据示後昆

摻即操字
爛即爛字

右議郎元賓碑在今亳州姓名已殘闕所可見者云

字元賓魯相之孫又云舉孝廉除倉龍司馬衛尉寮

尤異遷吳令視事二稔民用康寧州辟從事公車徵

拜議郎年四十八延熹二年二月卒使者臨弔賻贈
特加其餘文字完好者尚多惜其名氏皆亡也

金石錄

右議郎元賓碑在亳州碑無額故不得其姓石缺又
失其名元賓以孝廉入三署除倉龍司馬衛尉察尤
異遷吳令辟州從事召拜議郎以威宗延熹二年卒
漢宮掖門每門司馬一人比千石蒼龍司馬主東門
蓋衛尉之屬也元賓為九卿所察由千石而治縣時
以為遷近歲亦嘗詔從臣薦士矣皆超授二千石刺

史而不以為過其肯以千石中都官而出宰百里者乎碑云有喬宰鄭即國僑也翻畧色斯則以畧為耑又枉尺直搢則以搢為尋也

釋隸

議郎元賓碑延熹二年未詳

金石略

田君碑

右漢田君碑今在沂州其名字皆已磨滅惟云其先出自帝舜之苗裔自完適齊因以為氏乃知為姓田爾又云周秦之際家於東平陽君總角修韓詩京氏

易究洞神變窮與極微為五官掾功曹州從事辟太尉延熹二年辛亥詔書泰山琅邪盜賊未息州郡吏有仁惠公清撥頓整化者試守滿歲為真州言名時牧劉君知君宿操表上試守費自此以後殘闕不可次第而隱隱可見蓋無年壽卒葬月日而有故吏薛咸等勒石勒銘之語乃費縣令長德政去思碑爾

集古錄

右漢隸無書撰人名氏田君名字皆缺亡不可見東平陽人也延熹中太山琅邪盜起以選為費令碑以

永康中立在沂州

集古錄目

封邱令王元賞碑

右漢王元賞碑云君諱某字元賞御史君之孫茂才君之子也歷秦及漢有國有家宰相牧守踵武相襲又曰遭父喪以孝立稱土堦環堵兼業並受門徒雨集盛於洙泗又云郡察孝廉郎中謁者宛陵丞封邱令母憂去官服祥辟司空府延熹四年五月辛酉遭命而終其文字磨滅隱隱可見者如此其名既亡又

不序其姓惟其銘曰於惟王君以此知其姓王爾

集古

錄

右隸書不著書撰人名氏碑以延熹四年立王君嘗
為封邱令辟司空府元賞其字也碑已漫滅元賞之
名及其鄉里皆不可見故以其字稱之

集古
錄曰

右封邱令王君碑其姓名已殘闕所可見者字元賞
而已云察舉孝廉郎謁者考工苑陵葉封邱令而銘
文亦有撫臨三國之語歐陽公集古錄云為苑陵丞

者蓋誤以葉字為丞爾

金石錄

封邱令王元賓碑隸額兩行所存其下令碑二字歐
趙皆以為王元賞予所得者却是元賓字畫分明非
是測度其彷彿是紹一碑之中不可識者纔數字王
君以察孝廉為郎謁者故銘詩云宿衛帝側嘗宰宛
陵葉封邱三城故云王用錫命撫臨三國以延熹四

年卒

隸續

延熹四年立集古作修廟碑金石作王元賞

漢隸字原

延熹四年立集古金石並作元賞隸續云元賓字畫

分明非是測度

石墨
錫華

王元賞碑陰

右王元賞碑陰載門生姓名有云右奔喪右斬杖三年余嘗謂聖人之制禮為可繼也無過與不及之弊務合於中庸而已禮曰事師無隱服勤至死心喪三年孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而

無服彼漢人為王君乃為斬衰之服於禮無乃過乎

金石錄

王元賓碑陰四橫稱故吏者四人有名字郡邑者十數人餘皆凋落不備其中有立碑錢各五百之文又有右奔喪右斬杖三年之文歐趙有其碑而亡其名碑云門徒雨集盛于洙泗故衰杖過禮等于事父惜乎碑石淪碎姓名不能盡見歐云碑有錢各五百字似是修廟人所記其可見者濟陰定陶蔡顥子盛山

陰金鄉張諺季德又時有故吏字不知為何人祠廟
按此碑既有故吏又有奔喪斬杖之文謂之修廟人
題名非也威宗延熹四年立

續隸

右碑陰題名不知為何人碑余家集錄古文既多或
失其所得之自然漢碑存於今者惟華嶽與孔子廟
最多其陰往往列修廟人姓名并記其所出錢數不
過三百至五百今斯碑所題文字闕滅而中間有錢
各五百四字則似是修廟人所記其人可見者有濟

陰定陶蔡顥子盛山陽金鄉張諺孝德河南宛陵趙
堂世萇南陽南鄉鄧升升遠濟陰成武周鳳李節而
其餘人姓名邑里多不完又時時有故吏字不知為
何人祠廟第以漢隸難得錄之爾

集古錄

平輿令薛君碑

右平輿令薛君碑文字完好云惟延熹六年春二月
平輿令薛君卒烏虜哀哉吏民其咨咨君之德廼建
碑石于墓之側其後有銘三百餘言敘述甚詳惟不

載其名字世系故莫得而考焉


金石錄

漢故平輿令薛君碑隸額前有敘凡三十六字大畧云平輿以延熹六年二月卒吏民咨其德建碑于墓之側次有銘詩三百四言文雖無缺而不書其名字其云我君肇祖廼侯于薛者謂夏之車正奚仲也

隸續

延熹三年未詳

金石錄



六藝之一錄卷四十一